

80

D. D.
DISSERTATIO
CHEMICO HALURGICA,
DE
S A L E
SODOMITICO,

QUAM,
Conf. Ampl. ORDIN. PHIL. Reg. Acad. Aboënsis,
MODERANTE
VIRO

AMPLISSIMO ATQUE CELEBERRIMO,

D: NO PETRO ADR.
G A D D,

PROFESS. CHEM. REG. ORDIN. DIRECT. REI PLANT. PER
FINLANDIAM, EQUITE AURATO ORDINIS REGII DE WASA,
REG. ACAD. SCIENT. SVEC. SOCIET. LITT. UPSAL. REG. SE-
NAT. PATRIOT. NEC NON GOTHOBURG. LITT. MEMBRO,

PRO LAUREA,

Ventilandam sifit

FRIDERICUS SALVENIUS,

TAVASTENSIS.

IN AUD. MAJORI DIE ~~XVII~~ MAJI, AN. MDCCCLXXVIII.
Horis Ante Meridianis.

ABOÆ, Impreslit J. C. FRENCKELL, R. Acad. Typogr.


CHIMICO HALURGICA

S A I L E

GENES. CAP. XIX. V: 24, 25.
DEUTERON. CAP. XXIX. V: 23.

Jehova demisit super Sodonum & super Hamoram, pluviam sulphuris & ignis, a Jehova e Cælis: subvertitque civitates ipsas & planitem illam tota; omnesque incolas illarum civitatum, & factum terræ. Salphure & falsilagine exusta est tota terra earum.

Verio TREMELLII



§. I.

Mare Sodomemum, quod Palæstinæ primarius est Lacus, ab antiquissimis retro temporibus, non modo amaritie salis, verum etiam aliquo mirabilium phænomenorum causa, fama percrebuit. Varia ipsi, a variis Scriptoribus, adsignantur nomina. In Sacris Paginis vocatur partim *Mare planicie*, partim *Mare Salsum* s. *salissimum*. Græcis *Lacus Bituminis* audit; Arabibus vero sub nomine *Babar Lotb*, h. e. *Lacus Lotb*, innotescit. (a) Præterea Profanis Scriptoribus passim appellatur, *Lacus Judeæ*; *Lacus Sodomenus*; *Lacus Deserti* s. *Solitudinis*. *Stagnum Calcis* etiam aliquando nuncupabatur. *Maris Mortui* vero nomen inde adeptum est, quod nulla animalia aquatilia, nec progigni in eo, nec hospitio excipi, dicatur. Nos, qui in Dissertatione hac Academica, de peculiari *Sale muriatico amaro* Maris hujus, agere constituimus, juvabit inprimis naturam atque indolem aquæ illius, quantum res angusta domi permittat, rudi penicillo delineare, quo sic affectiones & proprietates *Salis* hujus *Sodomitici*, facilius detegi possint.

A

sint.

(a) BYSCHING Descriptio Palæstinæ. pag. 15.

sint. Quod vero opus dum nobis suscipimus, Tuam,
L. B. benignam expetimus censuram.

§. II.

Omnium primo igitur observamus magnam illam, quam Mari huic adtribuunt, *bituminis* copiam. Testantur omnes, quotquot Sanctas perlustrarunt terras, illud tanta abundare bituminis quantitate, ut interdum in magnitudine navium conspicere liceat bituminis congeries, quodque in primis refert D:rus NAU. Ex imo fundo hujus Maris bitumen hocce cum bullis quasi ferventis aquæ efflari, perhibent quoque plurimi Peregrinatores. Hic vero *Asphaltus* vel Arabum *Lamar*, non semper præsto est; nonnullis enim temporibus illum apparere, aliis vero non itidem, testis inter alios est Acutissimus Observator NAU, cui Abbas quidam, nomine DANIEL hac de re, attentione dignum perhibuit testimonium. ARVIEUX refert, quod aqua *Maris Sodomitici* valide a ventis mota, bitumen tantum ejiciat. (a) Experientiss. D:rus SHAW, qui omnium planissimam bituminis hujus nobis relinquit descriptionem, observat, quod variis sed incertis temporibus, in forma magnorum semigloborum, e fundo maris ascendat, quodque, quam primum in superficie aquæ se conspicendum præbeat, emissâ spissâ fumo magnoque fragore, in minutissimas dirumpatur partes, haud aliter ac Chymicorum pulvis fulminans. (b) *Mare Sodomenum* non ubique æquali quantitate, hujus bituminis, gaudet. EGMOND a NYENBURG enim refert, quod pars hujus Maris australis maxima ejus abundet copia. Conspicitur præterea hocce bitumen in Mare

(a) De ARVIEUX Voyage dans la Palestin.

(b) SHAW Voyage du Levant.

Mare Mortuo, partim sub forma petrolei, partim instar bituminis, ut perhibent ejus scriptores.

§. III.

Perpensa quantitate bituminis Maris Sodomitici, *exhalationes* ejus bituminosas specialius perscrutabimur. Commemorant Peregrinatores lacum hunc densissimis exæstuare vaporibus. TROILO, in primis mentionem facit hujus fumi, quem se e Bethlehemo vidisse, affirmat. KORTE eum in Hierosolymis etiam expertus est, quando in tectum Monasterii cujusdam ascenderat. SEIDLIZ refert, lacum hunc semper fere obductum esse spissis exhalationibus bituminosis, quas etiam ipse, ex alto quodam, prope Bethlehém, monte, adspexerat. GRÖBEN & MYLLER quoque de hisce Maris Mortui nebulis commemorant. Tam antiqui quam recentiores, qui in his regionibus iter fecerunt, eam fovent sententiam, quod hæ exhalationes e fundo Maris originem ducant, ignique quodam subterraneo suas debeant natales. STRABO perhibet antiquissimis jam temporibus creditum fuisse, quod in fundo Maris hujus sit locus, igne, bitumine & sulphure plenus. Quemadmodum vero Asphaltus, ut §. II. indicavimus, non semper adest, ita exhalationes hæ, non ubique nec semper in Mare Sodomitico obveniunt; hinc factum, ut quidam peregrinantium se illas non observasse, perhibeant, cum contra alii nocivas hasce nebulas satis superque sint experti. Ita NAU, qui bis in has terras est profectus, neutra vice eas vidit. MAUNDRELL & THOMSON idem affirmant. Hæ vero diversæ & contrariae narrationes, facile conciliantur, si modo temporis, locorumque Maris Mortui, habeatur ratio.

§. IV.

Ingentem *Salis* quantitatem, aquis *Maris Sodomiticī* īneſte, unaniſis est, peregrinantum assertio. In genere 14 partes *Mariæ* in 100 partibus aquæ marinae contineſtur. Ad gradum caloris XV:tum vero, aquazō: partes hujus talis ſolvēre potest. Paragraphe III. obſervavimus, quod Mare Mortuum in plurimis locis, calore, exhalationibusque bituminosis æſtuet, hinc non mirum, fi aquæ hujus *Maris* majori ſint onustaſe falsoſidine, quam in communī Oceano. TROILO contendit, aquam *Maris Sodomiticī*, tam insigni gaudere ſalī muriatīci quantitate, ut majorem portionem ſolvēre nequeat. POCOCK & EGMOND a NYENBURG obſervarunt, quod, fi quis ſe in eam immergat, undique velut ſale tenuiſſimo aspersus, exinde emergete conficiatur, eodem modo, ac in fluviō ſalto *Chīti*, hocce phænomenon plurimi Peregrinatores experti ſunt. STOCHOVE etiam arbitratur, fi una pars hujus aquæ, decem partibus aquæ dulcis, admiferetur, hanc tamen commixtam aquam, omnibus aliis aquis ſaliorē fieri. Aqua *Lacus Zamuscæ* in Siberia, tanta quantitate ſalī communis imprægnata eſt, ut ad littora ejus fere ubique muria, in forma crystallina, inveniatur. (a) Et affirmat Dnus DAPPIER, in ſua Descripſione Palæſtinæ, incolas ad *Mare Sodomiticum*, e littoribus hujus *Maris* & cavernis rupium, ſal commune jam crystallifatum, colligere, quod Arabes deinde inprimis, facta depuratione, vendendi gratia per totam circumferunt Palæſtinam.

§. V.

Amarities quædam omni aquæ marinae īneſt, in Ma-
re

(a) GMELINS Šveriche Reise Tom. I. pag. 186.

re vero Sodomeno amaritem hanc multis parasangis maiorem esse, uno quasi ore confitentur, qui sanctas invilere terras. RADZIVIL ab aqua hac guttarim degustata, & lingvam atrociter morsam, & caput gravi odore vehementer affectum fuisse, ipse testatur. (a) GALENUS narrat, aestate aquam hanc amariorem esse, quam hyeme; quod non mirum; aestate etenim, dum Mare hocce calore subterraneo & solis quam maxime aestuat, vaporibusque bituminosis est onussum, quorum halitu littora, & montes ad V. milliaria ab omni parte, squalent steriles, aqua ejus etiam exhalationibus hisce majori quantitate inquinata est, quam tempore hyemali. Præterea exempla insignis hujusmodi amaritiei aquæ habemus, non modo in fontibus ad *Mura*, quorum in sacris Litteris sit mentio, quosque Experientist. Dnus NIEBUHR nuper descripsit; (b) verum etiam aliis, imo & lacubus, qui salibus catharticis scatent & abundant, quorumque, præsertim in *Siberia*, haud exiguis est numerus. (c) Quænam genuina sit caussa amaritiei in aqua marina & aliis aquis amaris, ea de re in diversas abeunt sententias Chemico Physici. Plurimi illorum, experimentis suffulti Dni MARSIGLI, acerbitudinem gustumque amarum atque nauseosum aquæ marinæ, ortum ducere a bitumine, & vegetabilium animaliumque oleis, existimant; (d) sed

(a) Ejus Hierosol: Peregrin: impressa 1601.

(b) C. NIEBUHRS Beschreibung von Arabien, p. 40.

(c) SAM. GOTTL. GMELINS Reise durch Russland, pag. 236.

(d) MARSIGLI mixtione $1\frac{1}{2}$ lothonis muriae. 48. granorum spiritus Lithantracis & $46\frac{1}{2}$ lothonum aquæ falsæ, se aquam produxisse contendit, aquæ marinæ ad Provence, & falsedine & amaritie haud dissimilem.

sed repugnat huic opinioni quam maxime analysis Chemicæ aquæ marinæ, qua constat, aquam hanc, præter sal commune, præsertim imprægnatam esse sale ammoniaco Fixo, paulisper selenitico, & acido salis vel vitrioli, quod partim magnesia alba, partim alcali minerali se associavit; (e) Indicia vero bituminis, in aquis magni Oceani adesse, hucusque nullus observavit. Universaliter igitur Firmo non stat tali plurimorum Physicorum assertio, qui amaritiem aquæ marinæ, particulis ejus bituminosis, originem debere, contendunt; Potiori jure illa, in sale ammoniaco Fixo & cathartico, quibus, simul cum sale muriatico, aqua marina semper abundat, quærenda est. (f) Sed ut specialius amarities *Maris Sodomeni*, ejusque causa appareat, sequentia instituimus experimenta:

Experimentum I:um, Bitumen Maris Sodomitici, quod nobis perbenigne obtulit Celeberrimus Dominus *Præses*, per III. horas aqua salsa ferventi coctum, nullam aquæ huic conciliavit amaritiem.

Experimentum II:um, Una pars ejusdem Bituminis, eum duabus contritis & commixtis partibus muræ, distillatione in balneo arenæ, intra horulæ spatum dedit spiritum acidum volatile nauseosum bituminis, nullum vero acidi salis, licet Destillatio adhuc per III. horas institueretur. Spiritus bituminis salibus alcalinis leviter effervescebat, solutione vero lunæ vel saturni, nulla præbuic

(e) *MONNETS Nouvelle Hydrologie*. pag. 185.

(f) Præter ingentem bituminis copiam, etiam Liantraces, tum ad littora, tum in fundo maris Mortui, reperi, commemorant plurimi Peregrinatores. Mare hocce nonnullis in locis etiam alluere montes calcareos, & ad littora lapidibus calcareis obsitum esse, testis est DAMPIER.

buit vestigia ex acido quodam muriatico. Vacillat igitur illorum assertio; qui acidum bituminis, unum idemque cum acido Vitrioli esse, existimant.

Experim: tum III:tium, Caput mortuum hujus Destillationis, aqua destillata, digestione per III. dies solutum, aquam falsam, absque ulla amaritie, vel odore bituminis, produxit; quo etiam patet, acidum bituminis tantum, facta Destillatione, avolasse, non vero muriæ, quod basi suo alcalino adfixum, in capite hoc mortuo adhuc superstes erat.

Experim: tum IV:tum, Spiritus Vitrioli, guttulis quibusdam spiritus salis, magnesia alba, ad saturitatem, commixtus, amaritatem, aquæ marinæ haud dissimilem, præbuit; obtentus vero ille, spiritus bituminis, cum acido salis & magnesia, adhuc multo majori amaritie lingvam mordebat; guttulæ quædam aquæ calcis hisce mixtionibus instillatae, amaritatem non minuebant, sed intensiorem fere efficiebant.

§. VI.

Salis Sodomitici mentio a nostri ævi Mineralogis vix facta est; neque illud tanquam diversam speciem salis muriatici considerant. *Vetusissimus* vero & *primus* Sveciæ *Mineralogus*, Cel. olim *Upsaliæ Astronomiæ Professor FORSIUS*, Natione Fennus, distincte & eruditæ jam hoc de sale loquitur. (a) Observat ille, hanc salis speciem ab Arabibus appellari *Malk*, *Sal Naphticum* vel *Sal Sodomæum*. Hocce sal, quam maxime salso amarum esse, contendit *GALENUS*, commemoratque, illud proxime ad indolem salis communis accedere. JULIUS AFRICUS

(a) *SIGFR. ARON. FORSHI Minerographia*, p. 16.

FRICANUS vero, id tanquam speciem quandam salis amari, pellucidi & aluminosi, describit. Experientiss. PERRY, cui occasio fuit, aquam Maris Sodomeni, saltem nonnullis in locis, Menstruis Chemicis reagentibus examinare, etiam affirmat, hanc aquam, pulvere galharum interdum fieri purpureo rubescentem, & salibus alcalinis fixis, multum terræ calcareae præcipitare. (b)

Ex hisce igitur Veterum Recentiorumque Naturæ Mystarum observationibus, collatis tam cum Experimento nostro IV:to, quam iis, quæ in §. III. de exhalationibus *maris Sodomeni* Bituminosis, & in §. V. de salibus mediis calcareis, in aqua marina præsentibus, attulimus, patet, *Sal Sodomenum*, distinctam posse constituere salis communis speciem; estque in Systemate Mineralogico

SAL SODOMITICUM,

SAL COMMUNE, *salibus mediis calcareis & catharticis abunde mixtum, acidoque volatili bituminis imprægnatum.*

Nonnullis in locis Maris Sodomeni, variatio hujus speciei etiam exsurgit, ubi in Fundo mari magna Lithantracum adest copia, & quorum ex acido hocce *Sal* interdum, sapore *salso styptico amaro*, participat.

(b) PERRY, Philos. Transact. pag. 146.

